

中國易學文獻集成續編

63

本書編委會◎編

全七十冊

國家圖書館出版社

中國易學文獻集成續編

本書編委會◎編



國家圖書館出版社

(清)丁晏撰

易林釋文二卷(卷二)

清光緒間刻《南菁書院叢書》本

第六十三册目錄

易林釋文(卷二) (清)丁晏撰 清光緒間刻《南菁書院叢書》本

卷二 一

後序 六七

書後 六九

跋 七五

杭氏易學七種(易楔卷一——六 愚一錄易說訂卷一——二 沈氏改正揲蓍法 易數偶得卷一——二)

杭辛齋撰 民國十一年(1922)鉛印《易藏叢書》本

易楔六卷

題辭 八九

序	九一
目錄	九五
卷一	九七
卷二	一三五
卷三	一七七
卷四	二三七
卷五	二八九
卷六	三三三
愚一錄易說訂二卷		
序	三七七
卷一	三八五
卷二	四二三
沈氏改正撰著法一卷	四五三

易數偶得二卷

目錄	四九九
卷一	五〇一
卷二	五四五

易林釋文卷二

山陽丁 晏儉卿輯

復之第二十四

坤 覬利危躬 左氏桓二年傳下無覬覬注不敢冀望

上位釋文覬音冀廣韻覬覬希望也

需 河川流通西門子產 案西門謂西門豹也史記西

門豹發民鑿十二渠引河水灌民田田皆溉子產田有

封洫事見左傳

履 霜降歸嫁夫以爲合 家人之損云剛柔相呼二姓

爲家霜降旣同惠我以仁周禮媒氏疏王肅論引韓詩

傳古者霜降逆女冰泮殺止荀子大略篇亦云霜降逆

女冰泮殺內

豫 挈瓶之使不爲憂懼 左傳雖有挈餅之知守不假

器禮也杜注挈餅汲者喻小知為人守器猶知不以借人餅瓶同

觀 東行破車步入危家 毛本危作范誤夫之訟云東人破車步入危家宋本作危不誤

晉 飛之日南還歸遼東 漢書地理志日南郡故秦象郡遼東郡秦置屬幽州

家人 緩我齟齬 一本作齒兒字誤倒大畜之大壯云保我齟齬與此正同

蹇 宛馬疾步 宛馬見史記大宛傳毛本作踠馬良之鼎亦云宛馬疾步

无妄之第二十五

乾 簷耳穿胸僵離旁春 毛本作纏離勞春有誤字師之謙云穿胸狗邦僵離旁春漢書武帝紀定越地日南

珠厓儋耳郡應劭曰儋耳者種大耳渠率自謂王者耳
尤緩下肩三寸師古曰儋音丁甘反

小畜 鱮蝦去海游於枯里 爾雅釋魚鱮鱮鱖鱖郭注
今泥鱮釋文蝦下家反或作蝦莊子外物篇索我於枯
魚之肆韓非子糲餅菜羹枯魚之膳古樂府枯魚過河
泣何時悔復及枯里猶枯肆也

剝 行露之訟貞女不行 毛本作真女古貞真通用

離 重黎祖後司馬太史 史記太史公自序昔在帝顓
頊命南正重以司天北正黎以司地唐虞之際紹重黎
之後使復典之故重黎氏世序天地當周宣王時失其
守而爲司馬氏司馬氏世典周史索隱引干寶云司馬
氏黎之後是也

睽 顏淵閔騫 毛本作問騫誤咸之坤亦云顏淵子騫

萃 蜉蝣戴盆不能上山 太平御覽蟻引蜉蝣戴盆

貝 錫刃不入 宋本作鉛刀不及

巽 九疑鬱林沮溼不中 淮南子原道訓九疑之南陸

事寡而水事眾注九疑山名也在蒼梧

兌 搏狷逢虎患厭不起 明夷之小過云虎怒捕羊狷

不能攘豫之比云虎飢欲食為蠋所伏大過之革云從

狷見虎雖危不殆廣雅虎王狷也本草蠋皮陶注田野

中有此獸人犯近便藏頭足毛刺人不可得捉能跳入

虎耳中蠋能制虎故繇象屢及之

渙 狗生龍馬 觀之井曰獠作龍身初學記引白澤圖

曰黑狗白頭長耳卷尾龍也陶潛搜神記會稽句章人

張然養一狗甚快名曰烏龍太平御覽引徐偃王志有

犬名鵲倉臨死更生角而九尾實黃龍也

中孚 從五隼噪操矢無箬 廣韻十三末箬古活切箭

箬受弦處劉熙釋名矢末曰栝栝會也與弦會也商書

若虞機張往省括于度則釋箬與栝栝同 扶服聽命

案扶服卽匍匐也毛詩匍匐救之檀弓引詩作扶服

奔喪而哭之鄭注匍匐或作扶服左氏昭二十一年傳

扶服而擊之釋文或作匍匐同

大畜之第二十六

大畜 朝鮮之地箕伯所保 毛本作姬伯聲之誤也漢

書地理志樂浪郡縣朝鮮應劭曰武王封箕子於朝鮮

後漢書東夷傳朝鮮箕子教以禮義田蠶又置八條之

教其人終不相盜無門戶之閉婦人貞信飲食以籩豆

注前書曰箕子教以八條者相殺者以當時償殺相傷

者以穀償相盜者男沒入爲其家奴女子爲婢欲自贖

者入五十萬音義曰八條不具見也

乾 金柱鐵關膠固衛災 太平御覽居處部引作堅固

衛災

同人 樂子作殃伯氏誅傷州犁奔楚失其寵光 左氏

成十五年傳晉三卻害伯宗譖而殺之及樂弗忌伯州

犁奔楚杜注州犁伯宗子

離 車鄰白顛知秦興起 一本作東鄰誤旅之泰云車

輶白顛

大壯 太乙置酒樂正行觴 否之大壯云太乙駕騶從

天上來漢書藝文志泰一陰陽二十三卷泰一二十一

卷史記日者傳太乙家曰大吉後漢書高彪傳天有太

乙在將三門注太乙式凡舉事皆欲發三門順五將史

記天官書天極星其一明者太乙常居也正義曰泰一

天帝之別名也太一一星次天一南亦天帝之神復之
家人曰太乙置酒樂正起舞

益 南箕無舌飯多沙糠 案小過之比亦作飯多沙糠
一本作沙糖誤

夬 太子扶蘇出於遠郊 事見史記秦本紀

困 雨雷三日 毛本作三月

豐 火山不然 毛本作泰山何本作太

未濟 符左契右相與合齒 列子云宋人有得人遺契
者密數其齒曰吾富可待矣管子云貸粟米者有別券
五穀以平賈取之定其券契之齒

頤之第二十七

臨 東關二五禍及三子 左氏僖二十八年傳賂外嬖

梁五與東關嬖五二五卒與驪姬譖羣公子而立奚齊

晉人謂之二五耦萃之復云東關良工禍及三子良工

字誤當作二五先謙案當為梁五梁良聲同五工形近

大過 蒼黃不勝旅人艱苦 文選北山移文蒼黃翻覆

與倉皇同

蹇 殺行桃園 左氏宣二年傳趙穿攻靈公於桃園

螳螂之敵使我無患 莊子螳螂之怒以當車轍後漢

書建螳螂之斧禦隆車之隧韓詩外傳齊莊公出獵螳

螂將搏其輪御者曰其蟲知進而不知退不量力而輕

就敵

解 箕仁入室政衰弊極 案箕子仁人而被囚奴商政

衰敝之極也唐韻正福字注引易林箕仁入室舊本如

此黃本改作飢人翟本從之此肌改之失也疏案室

仁入室謂箕子人於請室也

公孫爭之彊入委禽 一本作委命字形之誤毛詩
古音考南字引強入委禽明陳氏所見本不誤也如之
小畜云公孫爭之強入委禽左氏昭元年傳鄭徐吾犯
之好美公孫楚聘之矣公孫黑又使強委禽焉杜注禽
雁也納采用雁

大過之第二十八

豫 晨風文翰 毛詩舒彼晨風爾雅釋鳥晨風鷓郭注
鷓屬升之恆云假文翰翼隨風背北

臨 六家作權八公室剖分陰制其陽唐叔失明 案唐叔
晉所都也謂晉六墮分晉

大壯 叔帶之災居于汜廬 一本作君子記廬誤案春
秋僖二十四年天王出居于鄭左傳大叔以狄師攻王
王出適鄭處於汜王使來告難曰得罪於母之寵子帶

鄙在鄭地汜昭二十六年傳天不靖周施於叔帶惠襄
避難越去王都村注叔帶襄王弟叔帶作難襄王處汜

姤 子般鞭犖圉人作患 一本作鞭革非左氏莊三十

二年傳雩講於梁氏女公子觀之圉人犖自墻外與之

戲子般怒使鞭之共仲使圉人犖賊子般於黨氏

升 蝦蟆羣聚從天請雨 續漢書禮儀志注春早求雨

取五蝦蟆錯置於社之中地方八尺深一尺置水蝦蟆

焉

漸 臺駘昧子明知地理障澤宣德封居河溪 左氏昭

元年傳昔金天氏有裔子曰昧為元冥師生允格臺駘

帝用嘉之封諸汾川實守其祀

渙 鳥鳴夜中 毛本鳴作噲

小過 兩心相悅其其蒹藹 案毛本原注蒹藹一作茅

蘆宋本作柔筋翟云當作茅菴凡此並當闕疑不必強
解其蘆菴即召南草蟲所謂言采其菴言采其菴也其
菴菴以助祭猶之其苜菜以助祭易林云夙夜在公即
采藥所謂被之僮僮夙夜在公言廟見之後即助祭也
易林云兩心相悅又云不離房中得君子意即草蟲所
謂既見君子我心則悅言祭行之後即成昏也古者大
夫以上皆三月朔見助祭然後成昏賈服左傳注所言
與易林可以互證翟氏謂當作茅菴與上下文語意不
相聯貫其說非也

坎之第二十九

屯 重耳恭敏誅殺子圉 案晉文公殺懷公子圉重耳

立事見僖二十四年左傳

需 狗冠鷄步君失其所 宋本作雞步漢書五行志昌

邑王賀見大白狗冠方山冠而無尾此服妖亦犬旤也

郎中令龔遂曰此天戒言在仄者盡冠狗也京房易傳

曰君不正臣欲篡厥妖狗冠